



Վրեժ Քոսայեանի ելոյթը Արեւմտեան Հայաստանի Ազգային ժողովի (Խորհրդարանի) 2-րդ գումարման 1-ին նստաշրջանում

Յարգելի Նախագահ, Խորհրդարանի Նախագահ, Վարչապետ, յարգելի պատգամաւորներ եւ հիւրեր

Նախ ուզում եմ շնորհակալութիւն յայտնել Կենտրոնական ընտրական յանձնաժողովին Խորհրդարանի 2-րդ գումարման պատգամաւորների ընտրութիւնները բարձր մակարդակով կազմակերպելու համար:

Ուզում եմ նաեւ սրտանց շնորհաւորել բոլորին Արեւմտեան Հայաստանի Ազգային ժողովի (Խորհրդարանի) 2-րդ գումարման պատգամաւոր ընտրուելու կապակցութեամբ:

Քաղտնիք չէ, որ ազգի ինքնութեան պահպանման կարեւոր կռուաններից մէկը մայրենի լեզուն է: Լեզուի շնորհիւ է, որ ազգը կարողանում է պահպանել ինքնութիւնը եւ ազգային մնացեալ բոլոր արժէքները՝ մշակոյթը, սովորոյթները, հաւատքը եւ այլն:

Արեւմտահայերենի ուսուցման հետ կապուած Արեւմտեան Հայաստանի Հանրապետութեան Կառավարութեան հինական նպատակներից է Արեւմտեան Հայաստանում հայկական արմատներից հեռացած (եւ կամ հեռացուած) հայերից ձեւաւորուող եւ ձեւաւորուած հայ համայքներում մեր հայրենակիցներին օգնել եւ կազմակերպել արեւմտահայերենի ուսուցման դասընթացներ:

Պարբերաբար Արեւմտեան Հայաստանի մի շարք քաղաքներում (Դերսիմում, Մուշում, Տիգրանակերտում) եւ Պոլսում կազմակերպուել եւ կազմակերպուել են արեւմտահայերենի դասընթացներ: Տարբեր պատճառներով այդ դասընթացներն ընդհատուում եւ շարունակական բնոյթ չեն կրում:

Մեր հայրենակիցների մի մասը հեռակայ եւ անվճառ կերպով «Հայկական վիրտուալ համալսարան»-ի (ՀՎՀ) կազմակերպած արեւմտահայերենի դասընթացներին մասնակցելով է փորձում հայերեն սովորել: Բայց դա էլ խնդրի հիմնական լուծումը չէ:

Լուծումներից մէկը կարող էր լինել Արեւմտեան Հայաստանի մեր երիտասարդ հայրենակիցներից մի քանի հոգի, տարին մէկ անգամ, բերել Հայաստան, սովորեցնել արեւմտահայերեն եւ նրանց տունդարձից յետոյ համայքի միւս անդամների համար տեղում կազմակերպել դասընթացներ:

Ուզում եմ առաջարկել Խորհրդարանի Գիտութեան եւ կրթութեան մշտական յանձնաժողովին ընթացիք աշխատանքների ժամանակ քննարկումներ կազմակերպել արեւմտահայերենի ուսուցման դասընթացների վերաբերեալ:

Կրկին շնորհաւորում եմ մեր բոլոր պատգամաւորներին, ցանկանում եմ յաջողութիւն, արդիւնաւէտ աշխատանք ու քննարկումներ: Միասնական ուժերով յաղթելու ենք եւ հասնելու ենք մեր նպատակներին:

Շնորհակալութիւն

Վրէժ Քոսայեան

Արեւմտեան Հայաստանի Հանրապետութեան (Հայաստան) Կրթութեան Նախարար

28.09.2018 թ., Երեւան